

# Les famines du d' dins l' timps.

Gaston LUCY – Y.J.

Du timps du Clovis II, dins les anées 640, ène grande famine è désolé tout l' ponant (*Occident*). Clovis n'è nin tchipoté ; il è vouûdi les kesses du l'Etat et il è minme vindu les lames d' ardjant ki covrint la tombe du Sint Denis et il è distribuê l' tout às djins

Yâk du drole, c'est la lwa fwârt sèvere k' Erchinoald è promulgué pou combate lu martchî nwâr, puni les cîs ki catchint du blé û bin ki sayint dul vinde à l'étranjer.

Par après, les VIII<sup>o</sup> et IX<sup>o</sup> siékes ont co vu des famines, dins les années 770 et 793 duzous Charlemagne et an 820 duzous Louwis-l'-Dèbonêre. An 843, la dizète astot si grande k'on machot minme dul tère avu la farine et an 845, il a n-è moru des mile.

I parètrot k' al famine du 850, onz ârot vû des méres mwindjî leus afants mwârts et ça n'è nin sté k' adon. Du 855 a 876, onz è compté onze famines avu les minmes sin.nes du canibalisme. Ça s'è co vu an 895, 899 et 940.

Cand Hugues Capet è monté sul trône, les famines k'ont co dèré, chûvint les guêres et la fèyodalité k'est sté instârée à Kiercy an 877.

Pus târd, an 987, 989, et 992, les famines ont amon.né lu « Mâ des Ardants », k' è fwêt pèri, atère 1003 et 1008, rin k' a Paris, du pus d' 40.000 victimes, si bin k' al fin, onz atèrot ossi bin les vicants ku les mwârts.

Cand on vint nous dire asteure ku pus matin, les djins astint pus eurus k' anute, dj' a doute in pô !

Dins les années k' ont chû l' an 1.000, ki dvot amon.ner la fin du monde, d'après les croyances, les afliccions n'ont nin ralanti.

Lu cronikeur d'adon, Raoül Glaber dit :

Les oumes ont sté rêdwits a s' nourri d' rèptiles et d' biêsses rèpugnantes, coume ossi dul tchâr des oumes, des fames et des afants. Onz a wèyot min.me ki tchèssint l'oume pou rvinde les boukèts dins les rêstôrants.

A Tournai, onz è rtrouvé dins l' courti d'in rêstôrant, 48 tiêsses d' oumes. Lu patron è bintot sté pindu. Coubin ont fwêt parèy ; Et put-on crwâre des rëcits ossi oribe ku cè-la ?

Du 1.010 a 1.014 et du 1.023 a 1029, la famine è rataké, si bin k'an 1.031, les djins astint fwârcis du s' noûri d' tchins, d' sèris, du r'cinées et d' hyêbe. Onz arètrot les voyadjeus su les vôyes pouz fwêre des sâcisses. ....a chûre .....

Raponiyî pa Louwis Bêdjot, lu 25 d'Aousse 1999.